

國學叢刊

朱舜水

郭垣編著
正中書局印行




國學叢刊

朱 舜 水

郭 垣 編 著



正 中 書 局 印 行



版 權 所 有
翻 印 必 究

中華民國二十六年四月初版
中華民國三十六年六月滬一版

朱 舜 水

全一册 定價國幣三元二角

(外埠酌加運費匯費)

編 著 者 郭 垣

發 行 人 吳 秉 常

印 刷 所 正 中 書 局

發 行 所 正 中 書 局

(803)

序

陽明的良知說，主張意志的自由。知行合一說又打破行爲的煩瑣的拘束，一以自由意志爲主。在明末，這自由意志說引起士大夫的反對。東林諸人尤專以反王自任。自由意志說竟不能發展起來。王學的左派泰州諸人更受社會統治者的攻擊。舜水先生亡命日本，傳王學於彼邦。以尊王攘夷及廢幕討藩爲口號的明治維新運動，奉王學爲哲學的指導。這不是偶然的。自由主義與絕對王權相結的明治維新，與儒家的自由意志學說，當然吻合。

郭垣先生以所寫朱舜水先生學說研究相示。我以爲在今日，內反封建，外禦強敵，有介紹於國人的必要，勸他印出來。

陶希聖 中華民國二十五年十二月三十日於北平

目次

舜水先生文集版本·····	一
本傳·····	三
年譜·····	五
先生之人格及其生活·····	二〇
明季之社會及先生奔走國事之經過·····	二六
一 明季之社會·····	二六
二 先生奔走國事之經過·····	三三
先生之學術及其思想·····	三六
一 實踐哲學·····	三六
(1) 存誠·····	三七

(2) 居敬·····	三九
(3) 敦禮·····	四〇
(4) 問學·····	四二
(5) 實行·····	四三
二 政治思想·····	四五
三 技術·····	四七
四 詩文·····	四九
先生對於日本學術界上之影響·····	五一
一 朱子學之闡明·····	五二
二 水戶學派之啓發·····	五五
弟子記·····	五八
一 德川光國·····	五八

附錄

二	安東守約·····	六〇
三	安積覺·····	六一
四	其他·····	六二
附錄		
一	中原陽九述略·····	六四
二	安南供役紀事·····	八〇
三	女高傳·····	一〇五
四	遺跡·····	一〇七

舜水先生文集版本

舜水先生文集，共十六冊，二十八卷；日本早稻田大學圖書館所藏者，係日本正德五年刻本，爲安積覺氏舊有。氏爲先生弟子，并親筆跋其後云：

右文集一部，大君閣下，褒編修之功所賜，謹卽拜登，藏於家焉，正德五年乙未四月初三日，安積覺氏拜識。

惟書中第十冊，係屬補抄本。茲將全書目錄，照抄如下：

卷一	奏疏三賦 二書十六	卷二	書十八	卷三	書十八	卷四	書四十五
卷五	書二十七	卷六	書十二	卷七	書二十二	卷八	書二十六
卷九	啓二十一 揭一	卷十	尺牘四 十六	卷十一	尺牘百 十三	卷十二	尺牘四 十九
卷十三	策問四論 二說十七	卷十四	議五辨一	卷十五	對五	卷十六	序七記六志一 規二箴言一

朱 舜 水

二

卷十七 贊四十九 卷十八 銘七碑一 卷十九 祭文七 卷二十 雜著十四

卷二十一 雜著五十五 卷二十二 筆語 卷二十三 筆語 卷二十四 批評

卷二十五 批評 卷二十六 釋奠儀注 卷二十七 陽九述略 卷二十八 安南供役記事附行實

書中凡例云：先生在明所作文字，一無所傳；今所編次者，皆海外文字也。長崎所作，皆先生歿後安東守約所錄；遠在交趾所作者，亦在其中；而散落漸盡者，不知其幾何也。寬文乙巳，稅駕江都後，皆錄其稿；然天和壬戌之冬，先生故第罹災，乃命府下士出其所藏，稍稍得完；其在外者，旁搜遠求，庶無所遺。

書中題名云：門人權中納言從三位西山源光國輯，男權中納言從三位綱條校，卷首並有安東守約長序；守約號省菴，先生得意弟子也。

本傳

錄安積覺明故徵君文恭先生碑誌

徵君姓朱氏，諱之瑜，字魯瑱，號舜水，明浙江紹興府餘姚縣人。曾祖詔，誥贈榮祿大夫；祖孔孟，誥贈光祿大夫；考正，總督漕運軍門，誥贈光祿大夫上柱國；妣金氏，前封安人，誥贈一品夫人；有三子焉。徵君其季也。生於萬曆二十八年。穎悟夙成。九歲喪父，哀毀踰禮。及長，受業吏部左侍郎朱永佑。精研六經，特通毛詩。少抱經世之志，有識期以公輔，擢自南京松江府儒學學生，舉恩貢生，考官吳鐘巒貢劄，稱爲開國來第一。天啓以降，政理廢弛，國是日非，故絕志於仕進，而有高蹈之風。崇禎末，蒙辟不就。弘光元年，又徵，卽授重職。其薦出荆國公方國安，而大學士馬士英當國，徵君不欲累於姦黨，固辭不受。臺省交章劾其偃蹇不奉朝命。徵君星夜逃於舟山。時清兵渡江，天下靡然，薙髮變服；徵君惡之，乃浮於海，直來我邦（指日本），轉抵交趾，後還舟山。監國魯王，駐蹕舟山，文武諸臣交薦之，然先生豫料其敗，上疏固辭。凡蒙徵辟，始自崇禎，前後十二次，皆力辭焉。監國九年，魯王特敕徵之，徵君適在交趾，奉敕歔歔，欲往赴之。會安南國王，檄取流寓識字之人，差官應以徵君。國王召見，逼而使拜，徵君長揖不拜。君臣大怒，將殺之。

徵君毫無沮喪，辨折彌厲，久而感其義烈，反相敬重。既而欲還舟山，謝恩陳情，聞其已陷，進退失據；於是熟察時勢，知已不可復振，決意稅駕，因住長崎，實我萬治之二年也。流落海外，幾十五載，數至我邦，及漂泊交趾，暹羅之間，艱苦萬狀，往而復返，蓋志在有爲，而事竟無成也！其在長崎，貧不能支，門人安東守約，折俸之半而養之。寬文五年，我水戶侯梅里公，聞其學殖德望，厚禮而聘，徵君慨然赴焉。待以賓師，禮遇甚隆，每引見辨論，依經守義，啓沃備至。教授學者，聲聲不倦，雖老而疾，手不釋卷。天和二年四月十七日，卒於江戶駒籠之第，享年八十有三，葬於常陸久慈郡大田鄉瑞龍山下。梅里公諡曰：「文恭先生。」彰其德也。親題其墓曰：「明徵君。」成其志也。其在鄉里，有子男二人：大成、大威，妻葉氏所出；女高，繼室陳氏所出，皆先歿。

徵君嚴毅剛直，動必以禮，學務適用，博而能文。爲文典雅莊重，筆翰如流。平居不妄言笑，惟以邦仇未復爲憾；切齒流涕，至老不衰。服明室衣冠，始終如一。魯王敕書，奉持隨身，未嘗示人；歿後始出，今猶在。凡古今禮儀大典，皆能講究，致其精詳；至於宮室器用之制，農圃播殖之業，靡不通曉，其遺文，則有集存焉。

年譜

明萬曆二十八年庚子（公元一千六百年），十一月十二日，先生生。先生父正，字存之，官總督漕運軍門，母金氏，先生其第三子也。先生答源光國問云：「僕系出於邾，後更爲鄒，秦楚之際，去邑言朱漢興，流轉魯魏之間。始祖爲朱暉，漢丞相也。後有朱輔、朱穆，亦爲三公。穆之直聲震於朝廷，而吏治稱之。入國初，先祖於高皇帝族屬爲兄，雅不欲以天潢爲累，物色累徵，堅臥不起，遂更姓爲諸，故生則爲諸，及祔祖入廟，題姓爲朱，僕生之年，始復今姓。憲宗入國朝來，登鄉會榜者七十九，如以僕徵聘敕召冠之，則八十矣。」

萬曆二十九年辛丑（公元一千九百零一年），先生年二歲。是年，兩畿各省災傷，民饑盜起，內外羣臣交章請罷礦稅諸監，皆不聽。

萬曆三十年壬寅（公元一千六百零二年），先生年三歲。

萬曆三十一年癸卯（公元一千六百零三年），先生年四歲。

萬曆三十二年甲辰（公元一千六百零四年），先生年五歲。

是年大學士沈鯉，上疏請罷礦稅，冒雨

素服，詣文華門奏之；上得疏，果心動，然卒猶豫不撤。

萬曆三十三年乙巳（公元一千六百零五年），先生年六歲。

萬曆三十四年丙午（公元一千六百零六年），先生年七歲。

先生就學年歲不詳，安積覺文恭行實

曰：「先生初從慈谿李契宣學，及長，受業於吏部左侍郎朱永佑，及東閣大學士兼吏戶工三部尚書

張肯堂，禮部尚書吳鍾繼，研究古學，穎悟過人。」

萬曆三十五年丁未（公元一千六百零七年），先生年八歲。

萬曆三十六年戊申（公元一千六百零八年），先生年九歲。

是年先生父存之公卒。

萬曆三十七年己酉（公元一千六百零九年），先生年十歲。

萬曆三十八年庚戌（公元一千六百一十年），先生年十一歲。

萬曆三十九年辛亥（公元一千六百一十一年），先生年十二歲。

萬曆四十年壬子（公元一千六百一十二年），先生年十三歲。

萬曆四十一年癸丑（公元一千六百一十三年），先生年十四歲。

萬曆四十二年甲寅（公元一千六百一十四年），先生年十五歲。

萬曆四十三年乙卯（公元一千六百一十五年），先生年十六歲。

萬曆四十四年丙辰（公元一千六百一十六年），先生年十七歲。

命，是爲清太祖。

是年滿洲汗努爾哈赤稱帝，建元天

萬曆四十五年丁巳（公元一千六百一十七年），先生年十八歲。

萬曆四十六年戊午（公元一千六百一十八年），先生年十九歲。

是年，清太祖努爾哈赤，親率步騎二

萬寇明，陷撫順，游擊李永芳降，遂進據清河堡。全遼震動，命楊鎬經略遼東，戶部以軍餉不敷，議加天下田賦二百餘萬。次年，復加至八百萬。

萬曆四十七年己未（公元一千六百一十九年），先生年二十歲。

安積覺文恭行實曰：「先生初爲南

京松江府儒學學生，少抱經世之志，動輒適禮。弱冠後，見世道日壞，國是日非，慨然絕仕進之懷，而有

高蹈之志。每對妻子曰：『我若第一進士，作一縣令，初年必逮系；次年，三年，百姓誦德，上官稱譽，必得科道，由此建言，必獲大罪；身家均莫保也。』」是年，楊錦敗績。

泰昌元年庚申（公元一千六百二十年），先生年二十一歲。

天啓元年辛酉（公元一千六百二十一年），先生年二十二歲。

是年清兵陷瀋陽，進佔遼陽，明起用

熊廷弼爲經略，鎮撫遼東。

天啓二年壬戌（公元一千六百二十二年），先生年二十三歲。

是年山東白蓮教作亂。

天啓三年癸亥（公元一千六百二十三年），先生年二十四歲。

是年魏忠賢提督東廠。

天啓四年甲子（公元一千六百二十四年），先生年二十五歲。

是年兩當民變，殺知縣牛得用。

天啓五年乙丑（公元一千六百二十五年），先生年二十六歲。

是年魏忠賢殺楊漣、左光斗、魏大中等。

天啓六年丙寅（公元一千六百二十六年），先生年二十七歲。

是年潯城民變，殺知縣張斗耀，監生

天啓七年丁卯（公元一千六百二十七年），先生年二十八歲。

陸萬齡，請建魏忠賢生祠於太學傍，歲祀如孔子，許之。

崇禎元年戊辰（公元一千六百二十八年），先生年二十九歲。是年殺魏忠賢，陝西飢民，苦加派；流賊大起，分掠鄆州延安。

崇禎二年己巳（公元一千六百二十九年），先生年三十歲。是年滿洲大舉入寇。

崇禎三年庚午（公元一千六百三十年），先生年三十一歲。增田賦充餉。

崇禎四年辛未（公元一千六百三十一年），先生年三十二歲。是年清兵陷大凌河城，命太監張彝

憲總理戶工二部錢糧，給事中宋可久等相繼諫，不聽。

崇禎五年壬申（公元一千六百三十二年），先生年三十三歲。

崇禎六年癸酉（公元一千六百三十三年），先生年三十四歲。命太監高起潛監視寧錦兵餉，太監

張彝憲，請催逋賦一百七十餘萬，許之；給事中范淑泰諫，不聽。

崇禎七年甲戌（公元一千六百三十四年），先生年三十五歲。

崇禎八年乙亥（公元一千六百三十五年），先生年三十六歲。

崇禎九年丙子（公元一千六百三十六年），先生年三十七歲。是年滿洲改國號曰清。

崇禎十年丁丑（公元一千六百三十七年），先生年三十八歲。

崇禎十一年戊寅（公元一千六百三十八年），先生年三十九歲。是年清兵入牆子嶺，總督薊遼兵

部侍郎吳阿衡死之，京師戒嚴。

崇禎十二年己卯（公元一千六百三十九年），先生年四十歲。

崇禎十三年庚辰（公元一千六百四十年），先生年四十一歲。安積覺文恭行實曰：「先生年至四

十餘，欲棄舉子業，而親族不許；每逢鄉試，徒作游戲了事而已。旋經提督蘇松等處學政監察御使某（佚姓名），舉先生文武全才第一，薦於禮部；貢劄有『德茂遼東之管寧』等語。」是年兩畿、山東、

河南、山陝旱蝗，人相食。

崇禎十四年辛巳（公元一千六百四十一年），先生年四十二歲。是年李自成陷河南，殺福王、唐王等。

崇禎十五年壬午（公元一千六百四十二年），先生年四十三歲。是年二月清兵陷松山，洪承疇降。

九月，李自成陷開封。

崇禎十六年癸未（公元一千六百四十三年），先生年四十四歲。十月，欽差鎮守貴州等處，充總兵